

Vedtekter for Lærdal Bestandsplanområde

§1 Føremål

Bestandsplanområde har som føremål å driva forvaltning av hjortebestanden innafor område. Dette inneber ei forvaltning av hjortebestanden som tek omsyn til områdets bereemne (skadepresset på skog og innmark), og som sikrar medlemmane sine interesser, og andre samfunnsinteresser, som til dømes trafikktryggleik. Dette skal gjerast i tråd med overordna mål og føringer.

§ 2 Medlemskap

Det er valda som er medlem i bestandsplanområde. Innmelding skjer ved underteikning av innmeldingserklæring. Det skal gå fram av denne kva rettar og plikter som følgjer medlemskapen. Medlem vert representert av valdsansvarleg representant, eller annan representant ved fullmakt. Medlemmane har avgrensa ansvar.

Utmelding/Innmelding må skje skriftleg til styret i Bestandsplanområde og innan 31. Desember, og gjeld følgjande år.

Medlem som ikkje følgjer lovleg fatta vedtak av årsmøte kan ekskluderast etter særleg vedtak.

§ 3 Avgrensing

Bestandsplanområdet er avgrensa med kommunegrensa. Denne avgrensinga er gjort med grunnlag i kunnskap om hjorten sitt områdebruk (merkjeforsøk og lokalkunnskap)

§4 Styret

Bestandplanområde skal drivast av eit styre på 5-7 personar med personleg varamedlem. Desse skal veljast blant medlemmane av årsmøte, og bør ta omsyn til geografisk fordeling. Medlemmane blir valde for 2 år om gongen. Ved fyrste val skal det vere loddtrekning om kven som blir vald for 1 eller 2 år. Halvparten av medlemmane er på val etter 1 år. Styret kan gjere vedtak når minst halvparten av styret er tilstades. Avstemming i styret skjer ved vanleg fleirtal. Styret konstituerer seg sjølv

Styret skal:

- Arrangere årsmøte, legge fram årsmelding og arbeidsplan, samt koma med framlegg til budsjett
- Lage framlegg til bestandsplan for bestandsplanområde.
- Søkje kommunen om godkjenning av bestandsplan på grunnlag av årsmøtevedtak.
- Gje god informasjon til medlemmane om faglege spørsmål og gjennomføre tiltak som styrker medlemmane sine kunnskap om fagfeltet.
- Gjennomføre dei vedtak som vert fatta av årsmøte

- Kome med framlegg til eventuell kontingent.

Det skal først protokoll over styret sitt arbeid.

§ 5 Årsmøte

Årsmøte skal haldast innan 31. mars kvart år. Det er styret som kallar inn til årsmøte. Berre medlemar har røysterett. Innkalling til årsmøte skal vere skriftleg og skje minst 14 dagar før årsmøte. Sakar som medlemmane ynskjer å ta opp på årsmøte må vere styret i hende innan utgongen av februar.

Vedtak på årsmøte vert fatta med vanleg fleirtal mellom dei frammøtte med røysterett. endring i vedtekten krev 2/3 fleirtal . Kvart medlem har ei stemme. Dersom ein eller fleire krev det, blir det avstemming etter areal. Unnateke er endring § 2. Endringar her er ikkje årsmøtesak, men søknad om inn - eller melding om utmelding, eksklusjon, handsamast og effektuerast av styret.

Årsmøte vert leia av styret sin leiar.

Årsmøte skal:

- Handsame styret sitt framlegg til årsmelding, rekneskap, budsjett og arbeidsplan for kommande år
- Handsame styret sitt framlegg til bestandsplan og årleg avskyting
- Handsame innkomne saker
- Velje representantar til styret jfr § 4 (Styret), varamedlem, valkomité og revisor.
- Fastsette eventuell kontingent.

Årsmøte kan ikkje fatte bindande vedtak i sakar som ikkje er nemnd i innkallinga.

§ 6 Ekstraordinært årsmøte

Dersom styret eller minst 1/3 del av medlemmane krev det skal det kallast inn til ekstraordinært årsmøte. Innkalling til - og sakshandsaming på ekstraordinært årsmøte følgjer same reglar som for ordinært årsmøte.

§ 7 Økonomi

Bestandsplanområde er ansvarleg for finansiering av eiga drift. Del av fellingsavgift kan først tilbake til bestandsplanområde.